

Berita Harian (Khamis) 10 Mac 2011, M/S . 4 (versiti)

UPM galakan pelajar ceburi bidang perniagaan

KECENDERUNGAN pelajar untuk bermula di universiti menerima reaksi positif daripada pihak pengurusan UPM yang menyifatkan ia satu perkembangan baik dalam melahirkan lebih ramai usahawan dalam kalangan pelajar.

Timbalan Naib Canselor Hal Ehwal Pelajar dan Alumni UPM, Prof Dr Mohd Fauzi Ramli, berkata pihaknya tidak pernah menghalang mana-mana pelajar untuk terbabit dalam bidang keusahawanan, malah lebih menggalakkan kerana ia termasuk antara agenda kritisik Pelan Strategik Pengajian Tinggi Negara yang diperkenalkan Kementerian Pengajian Tinggi (KPT).

Selain itu, KPT juga telah mewajibkan semua pelajar di universiti untuk mengambil subjek keusahawanan

sebanyak dua jam kredit bagi memperkuuhkan kemahiran insaniah mereka.

Katanya, selain subjek keusahawanan, UPM sendiri turut mengambil langkah proaktif apabila sering menghantar pelajar ke mana-mana pertandingan atau program berkaitan keusahawanan.

"Tujuan kita menghantar pelajar menyertai program sebegini ialah untuk mendedahkan kepada pelajar mengenai bidang keusahawanan yang sebenar supaya mereka mengetahui 'sepak terjang' sebenar dunia berkenaan dan bersedia apabila sudah tamat pengajian kelak."

"Kerana itu saya berbangga apabila ada pelajar UPM terbabit dalam bidang keusahawanan, termasuk sudah ada yang berjaya membuka nurseri orkid milik sendiri," katanya.

Mengenai masalah yang boleh timbul kepada pelajar akibat bermula ketika belajar, beliau berkata, ia antara cabaran yang perlu dihadapi mereka jika mahu berjaya dalam kedua-dua bidang berkenaan.

"Malah di sinilah (universiti) tempat yang sesuai untuk mereka belajar mengenai dunia perniagaan kerana jika melakukan kesalahan masih boleh diperbaiki dengan mendapat teguran daripada pensyarah, tetapi bagaimana jika di luar, siapa yang akan berbuat demikian."

"Justeru bagi saya zaman belajar adalah masa terbaik untuk pelajar melakukan kesilapan supaya dari situ mereka boleh mempelajari sesuatu dan tidak mengulanginya lagi apabila berada di dunia perniagaan sebenar di luar kelak," katanya.

“KPT juga telah mewajibkan semua pelajar di universiti untuk mengambil subjek keusahawanan sebanyak dua jam kredit bagi memperkuuhkan kemahiran insaniah mereka”

Dr Mohd Fauzi Ramli
Timbalan Naib Canselor Hal Ehwal
Pelajar dan Alumni UPM

